

আধুনিক ডিজাইনের
আলমারী, চেয়ার, টেবিল,
খাট, সোফা ইত্যাদি
বাবতীয় ফার্ণিচার বিক্রেতা
বি কে
শ্রীল ফার্ণিচার
রঘুনাথগঞ্জ II মুর্শিদাবাদ
ফোন নং—২৬৭৫২৪

জঙ্গিপুৰ সংবাদ

সাপ্তাহিক সংবাদ-পত্র
Jangipur Sambad, Raghunathganj, Murshidabad (W. B)
প্রতিষ্ঠাতা—স্বর্গত শরৎচন্দ্র পণ্ডিত (দাদাঠাকুর)
প্রথম প্রকাশ : ১৯১৪

জঙ্গিপুৰ আৰবান কো-অপঃ
জিডিটি সোজাইটি মিঃ
রোজ নং—১২ / ১৯৯৬-৯৭
(মুর্শিদাবাদ জেলা সেন্ট্রাল
কো-অপারেটিভ ব্যাংক
অনুমোদিত)
ফোন : ২৬৬৫৬০
রঘুনাথগঞ্জ II মুর্শিদাবাদ

৮৯শ বর্ষ
৫১শ সংখ্যা

রঘুনাথগঞ্জ ৩০শে বৈশাখ, বৃধবার, ১৪১০ সাল।
১৪ই মে, ২০০৩ সাল।

নগদ মূল্য : ১ টাকা
বার্ষিক : ৫০ টাকা

সারা মুর্শিদাবাদসহ জঙ্গিপুৰেও তেরঙ্গা বাড়ে লাল পতাকা ধূলিসাৎ, অধীরের জেলা পরিষদ দখল

নিজস্ব সংবাদদাতা : সারা মুর্শিদাবাদ জেলা জুড়ে তেরঙ্গা বাড়ে জেলার একমাত্র লাল দুর্গ জঙ্গিপুৰেও ফাটল ধরলো। কথা মতো জেলা সভাপতি কংগ্রেসের ডাকসাইটে নেতা বহরমপুরের সাংসদ অধীররঞ্জন চৌধুরী জেলা পরিষদ থেকেও সি পি এমকে উৎখাত করলেন। জেলা পরিষদের ৬০টি আসনের ৩৩ টিই কংগ্রেসের দখলে গেছে। তার মধ্যে জঙ্গিপুৰ মহকুমার জেলা পরিষদের ১৫টি আসনের মধ্যে কংগ্রেস একাই ১০ টিতে জয়লাভ করেছে। রঘুনাথগঞ্জ-২ ব্লকে কংগ্রেসের প্রাক্তন বিধায়ক হাবিবুর রহমানের পুত্র আখরুজ্জামান প্রায় ২৭০০ ভোটে সি পি এমের বিতর্কিত মহিলা প্রার্থী স্মৃতি রায়কে পরাজিত করেছেন। মহকুমার কংগ্রেসের সবচেয়ে ভাল ফল সাগরদীঘি, সূতী-১ ও সূতী-২ ব্লকে। সেখানে জেলা পরিষদে সি পি এম সব আসনেই পরাজিত হয়েছে কংগ্রেসের কাছে। পঞ্চায়েত সমিতির ফলাফলে রঘুনাথগঞ্জ-১ ব্লকেও কংগ্রেস ভাল করেছে। সেখানে ১৮টি আসনের মধ্যে কংগ্রেস ৭ ও বি জে পি ১টি দখল করেছে। এই পরিস্থিতিতে সেখানে আর এস পিএর একমাত্র জয়ী প্রার্থী সি পি এমের (শেষ পৃষ্ঠায়)

জঙ্গিপুৰ মহকুমায় পঞ্চায়েত ভোট নিবিঘ্নে

নিজস্ব সংবাদদাতা : ছোটখাটো কিছু ঘটনা ছাড়া জঙ্গিপুৰ মহকুমায় এবার পঞ্চায়েত ভোট একরকম নিবিঘ্নে শেষ হয়েছে। রঘুনাথগঞ্জ-১ ব্লকের মিজাপুর অঞ্চলের পঞ্চায়েত সমিতির কংগ্রেস প্রার্থী বিজয় বাঘিড়া অভিযোগ করেন- নওদা গ্রামের ৬, ৮ এবং খোজারপাড়া গ্রামের ৭ নং বৃথ দখল করে সি পি এম সমর্থকরা সেখানে প্রচুর ছাপা ভোট দেয়। ঐ ব্লকের জামুয়ার অঞ্চলের রমনা প্রাঃ স্কুল বৃথে বি জে পি সমর্থকরা ভোট দিতে গেলে তাদের প্রাণনাশের হুমকি দেখায় কিছু সি পি এম সমর্থক। এই নিয়ে গন্ডগোলের জেরে পরদিন ১২ মে সকালে বি জে পি সমর্থক মদন মন্ডল, নিখিল মন্ডল, দশরথ মন্ডলের বাড়ী ভাঙচুর হয় সি পি এম কর্মী কেদার সেখের নেতৃত্বে। প্রসাদপুর গ্রামের বি জে পি সমর্থক ভাগ্য মন্ডল সি পি এম কর্মীদের হাতে প্রহৃত হন। তার নাক ফেটে রক্ত ঝরতে থাকে। বি জে পিএর পক্ষ থেকে জামুয়ার পঞ্চায়েত অফিসে সেক্টর অফিসারকে সব কিছু জানানো সত্ত্বেও ঘটনাস্থলে পুলিশ যেতে দেরী করে এই অভিযোগ বি জে পি নেতা চিত্ত মজুমদার। জরুর অঞ্চলের তৃণমূল প্রধান বক্তৃমানে কংগ্রেস (ই) প্রার্থী দিলীপ ভদ্র (পঞ্চ) ভোটের আগের দিন রাতে পোষ্টার ছেঁড়া নিয়ে গন্ডগোলে সি পি এম সমর্থকদের হাতে আক্রান্ত হন। তাঁর মাথা ফেটে যায়। উমরপুর গ্রামে শিশু শিক্ষা মাদ্রাসা বৃথে সি পি এম সমর্থকরা প্রিজাইডিং অফিসারের ওপর চাপ সৃষ্টি করে গন্ডগোল পাকালে মাঝ পথে ভোট বন্ধ হয়ে যায়। প্রশাসন থেকে ওখানে র্যাক পাঠানো হলে গন্ডগোল আয়ত্বে আসে। পরে ভোর রাত পর্যন্ত সেখানে ভোট চলে। সূতী-১ ব্লকের মদনা ও রঘুনাথপুরে বৃথ দখল করতে গিয়ে কংগ্রেস ও সি পি এমের মধ্যে বোমাবাজ চলে। নূরপুর অঞ্চলের কাঁঠালতলা বৃথে সি পি এম ও কংগ্রেসের গন্ডগোলে প্রায় ৩ ঘন্টা ভোট গ্রহণ বন্ধ থাকে। সূতী-২ ব্লকের ভাবকী, ছোট কাঁকড়ামারি, ডিহগ্রাম বৃথে সন্ধ্যে পাঁচটার আগে লাইনে দাঁড়ানো (শেষ পৃষ্ঠায়)

ব্যালট ছিনিয়ে মেয়াদ দ্বিতীয়বার ভোট, প্রেস্তার ৪

নিজস্ব সংবাদদাতা : সাগরদীঘি ব্লকের পাটকেলডাঙ্গা অঞ্চলের আমলাবাড়ী বৃথে ভোট চলাকালীন কিছু বাইরের লোক বৃথে ঢুকে যায়। তারা ব্যালট পেপার ছিনতাই এর চেষ্টা করলে বেশ কিছু ব্যালট পেপার টানাটানিতে ছিঁড়ে যায়। কংগ্রেস থেকে সি পি এমের বিরুদ্ধে ব্যালট ছিনতাই এর অভিযোগ এনে নির্বাচন কমিশনারকে ফ্যাক্স পাঠানো হয়। নির্বাচন কমিশনারের নির্দেশে ঐ বৃথে পরদিন (শেষ পৃষ্ঠায়)
বাম বিরোধী ভোট এক ব্যাক্স

তাই আমাদের গরাজয়—মৃগাস্ক

নিজস্ব সংবাদদাতা : জঙ্গিপুৰে জেলা কংগ্রেস সভাপতি অধীর চৌধুরীর প্রত্যেকে কিছুমাত্র মানতে রাজী নন সি পি এমের জঙ্গিপুৰ জোনাল কমিটির সম্পাদক মৃগাস্ক ভট্টাচার্য। তাঁর মতে গোটা মুর্শিদাবাদ জেলার সঙ্গে জঙ্গিপুৰেও সি পি এমের রেজাল্ট খারাপ। জঙ্গিপুৰে (শেষ পৃষ্ঠায়)
ভোটে কর্মী সংখ্যার স্বল্পতায়

বি, ডি, ও ক্ষুব্ধ

নিজস্ব সংবাদদাতা : নির্বাচনে কর্মী সংখ্যা কমে যাওয়ায় বেশ অসুবিধের সম্মুখীন হতে হয়েছে রঘুনাথগঞ্জ ২ নং ব্লকের বি, ডি, ও কে। কারণ অনুসন্ধানে জানা গেছে, নির্বাচন এড়াতে বি, ডি, ও অফিসের কর্মীকে হাত করে নাম কাটিয়েছেন অনেকে। সব থেকে টেকা দিয়েছেন জঙ্গিপুৰ স্কুলের দু' একজন শিক্ষক। তাঁরা নির্বাচন এড়াতে নিদল প্রতীক নিয়ে নির্বাচনে দাঁড়ান বলে খবর। শিক্ষকদের আচরণেও তাই বিডিও বিরক্তি প্রকাশ করেন।



সর্বভাষা সর্বভাষা নমঃ

জঙ্গিপুত্র সংবাদ

৩০শে বৈশাখ বৃহস্পতি, ১৪১০ সাল।

এই নির্বাচন কতটা গণতান্ত্রিক ?

দাদাঠাকুরের একটি কথা আজ বার বার মনে পড়তেছে এবং তাহার যথার্থতা আজ অনেকেই হাড়ে হাড়ে টের পাইতেছেন। সেই কথাটি হইলঃ আপন আপন জেদ বজায় রাখিতে গিয়া ভীষণ দলাদলির সৃষ্টি করেন। প্রত্যেক দলেই এক একজন কর্তা হইয়া পালের গোদা হন আর বাচ্চা নেতাগুলি এক এক কর্তার দোহারি করেন। এই দলাদলি কলিকাতার বড় সভা হইতে সামান্য পল্লিগ্রামের পঞ্চায়তি বৈঠক পর্যন্ত হয় বিস্তৃত হইয়াছে।

যখন তিনি এই কথাগুলি লিখিয়াছিলেন তখন এই দেশে পঞ্চায়ত রাজ প্রাতিষ্ঠিত হয়নি। তবে গ্রামের মোড়ল মাতব্বরদের পল্লীসমাজ বলিয়া একটি সভা ছিল। তাহাও ছিল পাঁচজনকে লইয়া। পঞ্চায়ত নামের তখন প্রচলন হয়নি। গ্রামে পঞ্চায়তি রাজ প্রাতিষ্ঠার স্বপ্ন দেখিয়াছিলেন মহাত্মা গান্ধী। গ্রামের মানুষদের লইয়া গঠিত হইবে গ্রাম পঞ্চায়েৎ বা গ্রাম সংসদ। গ্রামের মানুষ সেইখানে তাহাদের অভাব অভিযোগ জানাইতে পারিবে, আবাদ বিপদ সুবাদও চলিতে পারিবে। গ্রামের আমজনতার স্থানীয় সংসদ হইতেছে এই গ্রাম পঞ্চায়ত। তৃণমূল স্তর হইতে তাহার আরম্ভ। কংগ্রেস সরকার ১৯৭০ সালে হস্তান্তর পঞ্চায়েৎ ব্যবস্থা চালু করার জন্য আইন পাশ করেন কিন্তু কার্যকর করিতে পারেন নাই। সাতাত্তর সালে সরকারে আসেন বামফ্রন্ট। তাহারাই সেই ব্যবস্থাকে বাস্তবে রূপদান করেন। এই বছরই জুন মাসে পঞ্চায়েতের পঁচিশ বৎসর পূর্তি হইতে চলিয়াছে।

তাহার পূর্বেই নির্বাচন আর সেই নির্বাচন সদ্য সমাপ্ত হইল। এই নির্বাচনকে কেন্দ্র করিয়া গ্রামে গ্রামে দলাদলি, রেবারেবি। গ্রামস সন্ধান, সংঘাত সংঘর্ষ কত কি ঘটিয়া গেল। তৃণমূল স্তরের এই নির্বাচন আগামী দিনে বৃহত্তর নির্বাচনে ক্ষমতা দখলের মণ্ড, বলা যাইতে পারে নির্বাচন ক্ষেত্রকে দলীয় কবজায় ধরিয়া রাখিবার কৌশলও।

অতঃপর পঞ্চায়েৎ নির্বাচন সমাধা হইল। নির্বাচনের ফলাফল লইয়া বোধহয় কাহারো মাথা ব্যথা নাই। যাহা হইবার

এক বিদগ্ধ রাজপুরুষ

কুশান ভট্টাচার্য

১৯১৪ সাল বিশ্বের ইতিহাসে এক উল্লেখযোগ্য বছর। আন্তর্জাতিক রাজনীতিতে তখন প্রথম বিশ্বযুদ্ধের উদ্‌গমন। জঙ্গিপুত্র মহকুমার মহকুমা শাসক তখন অমলকৃষ্ণ মুখোপাধ্যায়। দেওয়ানী আদালতের প্রথম ম্যুনিফ অপরাপ্রসাদ মুখোপাধ্যায় ছিলেন নাটক পাগল মানুষ। আর শরৎচন্দ্র পন্ডিত তাঁর নাটকগুলির অভিনেতা। তিনিই শরৎচন্দ্র পন্ডিতকে সংবাদপত্র প্রকাশ করার বিষয়ে উৎসাহিত করেন। পরে তিনি বদলি হয়ে গেলেও তাঁর স্থলাভিষিক্ত বামনদাস মুখোপাধ্যায়ের আমলে প্রকাশিত 'জঙ্গিপুত্র সংবাদ'। প্রকাশকাল ৬ই জ্যৈষ্ঠ ১৩২১ বঙ্গাব্দ। সে সময় জঙ্গিপুত্র মহকুমার দ্বিতীয় শাসক ছিলেন জেলাবই এক কুতী তাহাই হইয়াছে। বাজারের বড় বড় সংবাদপত্র, দূরদর্শনের পদাধি ইত্যাকার ঘটনাবলী অনেকেই লক্ষ্য করিয়াছেন। দলে দলে বিরোধী দলে চলিয়াছে দলাদলি। গ্রাম্য মুখিয়া সমর্থক হইতে মন্ত্রী পর্যন্ত হিংসার শিকার হইয়াছেন। নির্বাচন লইয়া বিস্তর চাপান উত্তোর চলিয়াছে। অনেক সমাজবিরোধী বা দুষ্কৃতি বিভিন্ন রাজনৈতিক দলের ছত্রতলে আশ্রয় এবং প্রশ্রয় পাইয়াছে। দলের অভ্যন্তরে দল—কোথাও কোথাও তাহার অন্তর্ভুক্ত দেখা গিয়াছে। গ্রামের ভোটাররা মুখ খুলিতে চাহেন নাই। চাহেন নাই বলিলে সঠিক বলা যাইবে না, সাহস করেন নাই। কেমন যেন একটা ভীতি তাহাদের মনের মধ্যে রহিয়া গিয়াছে। দলীয় কোন্দলে তাহারা অনেকেই তিক্ততার পবাদ আশ্বাদন করিয়া আসিয়াছেন। কোথাও কোথাও তাহারা জীর্ণ দীর্ণ। ভোটাধিকার সাধারণ মানুষের সংবিধান প্রদত্ত অধিকার। সেই অধিকার লইয়া গোল বাধিয়াছে। এমনটি কেহ চাহেন নাই বা প্রত্যাশা করেন নাই। একটা ভীতির শাসন কেমন যেন মানুষের মনে চোরা স্রোতের মত বহিয়া গিয়াছে বলিয়া কাহারো কাহারো মনে হইয়াছে। অনেকে মুখ বন্ধ রাখিয়াছে রক্ত চোখের শাসনানিতে, আবার কেহ অশান্তির আশঙ্কায় মৌন অবলম্বন করিয়াছে। কেহ প্রার্থী হইতে পারিয়াছেন আবার কেহ পারেন নাই। আবার কাহাকেও প্রার্থীপদ প্রত্যাহার করিতে হইয়াছে বিরুদ্ধ দলের চাপ সৃষ্টিতে। এইবারের পঞ্চজনের পঞ্চায়েৎ নির্বাচন সম্পন্ন হইল ঘটনা-রটনা-দুঃখ-টনার ডি ডি টানাটানির মধ্য দিয়া।

সন্তান—গুরুদাস সরকার। সরকারী কাজে শরৎচন্দ্র পন্ডিতের অন্যতম পৃষ্ঠপোষক গুরুদাসবাবু ব্যক্তি জীবনে ছিলেন বিদ্যানুরাগী ও উৎসাহী গবেষক।

গুরুদাস সরকার একবার নিজের আত্মপরিচয় প্রসঙ্গে মন্তব্য করেছিলেন, "আমার জীবনকথা অকিঞ্চিৎকর, দারিদ্র্যের সহিত আমার পরিচয় আছে। বহরমপুরেই আমার জন্মস্থান এবং তৎপুত্র কলেজেই শিক্ষালাভ করিয়াছি। দ্বাদশ বর্ষকালে পিতৃবিয়োগ ঘটে। মাতাঠাকুরাণী অশেষ কষ্ট স্বীকার করিয়া আমাদের দুই ভ্রাতাকে লালনপালন ও শিক্ষাদান করেন। স্বর্গীয় মহারাজ মণীন্দ্রচন্দ্র নন্দী বাহাদুর ও স্বর্গীয় রাজা আশুতোষ নাথ রায়বাহাদুর দরিদ্র ছাত্রদিগের জন্য অকাতরে অর্থ ব্যয় করিতেন। সেরূপ সহায়ের ব্যবস্থা না থাকিলে সংসদশ্রী পিতৃহীন বালকের লেখাপড়া কিছই হইত না। মুর্শিদাবাদের ইতিহাসে উল্লেখযোগ্য কোনো কাজই আমি করি নাই। নভেম্বর মাসের শেষ দিন হইতে আমার পেঙ্গুন হইবে। অবসর না পাওয়া পর্যন্ত কোনো কাজে হস্তক্ষেপ করিতে পারিতেছি না।" এই আত্মপরিচয়ের রচনাকাল ১৩৪৯ বঙ্গাবদের ভাদ্র। অর্থাৎ ১৯৩২ এর আগষ্ট সেপ্টেম্বর। এই আত্মপরিচয়টি প্রকাশিত হইয়াছিল শ্রীশচন্দ্র সরকার প্রণীত 'মুর্শিদাবাদ কথা'র পঞ্চম খণ্ডে। এই বই থেকেই জানা যায়, গুরুদাস সরকারের বাবা ছিলেন অম্বিকাচরণ সরকার। বহরমপুরের গোরাবাজারে তাঁদের বাড়ি ছিল। অল্প বয়সে পিতৃবিয়োগ হলেও নিজের চেষ্টায় তিনি উচ্চশিক্ষা লাভ করেন ও স্নাতকোত্তর উপাধি অর্জন করেন। গুরুদাসবাবুর বাবা অম্বিকাচরণ ছিলেন বহরমপুরের মুর্শিদাবাদ মহাফেজখানার উচ্চপদস্থ কর্মচারী। কর্মজীবনে গুরুদাসবাবুও সরকারী কর্মচারী ছিলেন। ১৯১৪-তে তিনি জঙ্গিপুত্র মহকুমার কর্মরত ছিলেন। চাকরীতে শ্রদ্ধাশ্রিত হয়ে তিনি শেষ পর্যন্ত মহকুমা হাকিমের পদপ্রাপ্ত হইয়াছিলেন। অবশ্য গুরুদাস সরকার বিষয়ে আধুনিক যুগেও আলোচনার কারণ তিনি একজন জনপ্রিয় রাজকর্মচারী ছিলেন তার জন্য নয়। গুরুদাসবাবু একজন নিষ্ঠাবান গবেষক ও জনপ্রিয় লেখক ছিলেন। তাঁর রচিত গ্রন্থের সংখ্যা চার। 'পরিণাম' একটি উপন্যাস। রুশ লেখক টলষ্টয়ের একটি উপন্যাসের ছায়া অবলম্বনে এই উপন্যাসটি রচিত হয়। দ্বিতীয় গ্রন্থটির তিনটি খণ্ড। বইয়ের নাম 'মুর্শিদাবাদের কথা'। (তৃতীয় পৃষ্ঠায়)

এক বিদগ্ধ রাজপুরুষ (২য় পৃষ্ঠার পর)

প্রকাশকাল ১৯২১। প্রকাশক বাটারওয়ার্থ এন্ড কোং কলিকাতা। ১ম খণ্ডতে রয়েছে পুরীর মন্দিরের বিবরণ। পৃষ্ঠা সংখ্যা ২১০। দ্বিতীয় খণ্ডে রয়েছে কোন্সকে'র মন্দিরের কথা। পৃষ্ঠা সংখ্যা ১৫৬। তৃতীয় খণ্ডে রয়েছে ভুবনেশ্বরের কথা। এর পৃষ্ঠা সংখ্যা ১৪১। বইটিতে ৩৯টি ছবি রয়েছে। সমালোচকের মতে, “‘মন্দিরের কথা’ বহুদূরী আলাচনায় পরিপূর্ণ এবং গুরুদাসবাবু'র পাণ্ডিত্যপূর্ণ অনুসন্ধানসার পরিচায়ক।”

ঐতিহাসিক রাখালদাস বন্দ্যোপাধ্যায়ের সহপাঠী গুরুদাস সরকার ১৩৬২ বঙ্গাব্দ বা ১৯৫৩ সালে প্রকাশ করেন ‘ইরানের শিল্প ও সংস্কৃতি’। ১২১ পৃষ্ঠার সচিত্র এই গ্রন্থের প্রকাশক কলিকাতা নিবাসী দেবকুমার বন্দ্য। ১৩৬৬ বঙ্গাব্দ বা ১৯৫৯ সালে প্রকাশিত হয় ‘তিব্বতের যাত্রাগান’। রঙ্গসাগর গ্রন্থমালার ১৮নং এই গ্রন্থটির প্রকাশক গ্রন্থজগৎ। বইয়ের পৃষ্ঠা সংখ্যা ৬০।

গুরুদাসবাবু'র পূর্ণাঙ্গ এই গ্রন্থগুলি ছাড়াও তিনটি সুন্দরিত প্রবন্ধে মূর্শিদাবাদ জেলার অতীতের কথা প্রকাশিত হয়েছে। প্রথম প্রবন্ধটি প্রকাশিত হয় এশিয়াটিক সোসাইটির জার্নালে। শিরোনাম ‘সুলতান আলাউদ্দীন হোসেন শাহের রাজত্বকাল’। প্রবন্ধটিতে জনপ্রবাদ ও আলাউদ্দীন হোসেন শাহের কয়েকটি শিলালিপি উপর ভিত্তি করে সে যুগের ইতিহাস রচনার প্রয়াসটি সে সময়ে উচ্চ প্রশংসিত হয়েছিল। প্রবন্ধটি প্রকাশিত হয়েছিল জার্নালের প্রয়োদশ খণ্ডের তৃতীয় সংখ্যায়।

মূর্শিদাবাদ সংক্রান্ত গুরুদাসবাবু'র দ্বিতীয় প্রবন্ধটি রডনগরস্থিত মন্দির বিষয়ে। প্রকাশিত হয়েছিল ইন্ডিয়ান সোসাইটি অফ ওরিয়েন্টাল আর্ট-এর প্রখ্যাত মূখ্যপত্র ‘রূপম’ পত্রিকাতে। এই পত্রিকার সম্পাদক ছিলেন বিখ্যাত শিল্প-সমালোচক অর্থে'দুকুমার গঙ্গোপাধ্যায় বা ও সি গঙ্গোপাধ্যায়। তিনি ‘ভারতের শিল্প ও আমার কথা’ শীর্ষকগ্রন্থে মন্তব্য করেছেন, “বাংলাদেশে এমন এক সময় গিয়েছে যখন বাঙ্গালী ডেপুটি ম্যাজিস্ট্রেটের অনেকেই সাহিত্য চর্চা করতেন। তাঁদের মধ্যে সাহিত্য সম্রাট বঙ্কিমচন্দ্রের কথা তো সর্বজনবিদিত। তারপরে নবীনচন্দ্র সেন প্রভৃতি আরও কয়েকজন এই ধারা রক্ষা করে বাংলা সাহিত্যকে সমৃদ্ধির পথে দিয়েছিলেন এগিয়ে। তারপরে দীর্ঘকালঅন্তে আমি এমন একজন সংস্কৃতিবান ডেপুটি ম্যাজিস্ট্রেটকে বন্ধুরূপে পেয়েছিলাম, যিনি শূন্য সাহিত্যানুরাগীই নন, পরন্তু একজন বিশিষ্ট শিল্পপ্রেমী ও পুরাতাত্ত্বিক।”

এই গ্রন্থে ও, সি গাঙ্গুলী আরও উল্লেখ করেছিলেন, “‘রূপম’ মন্দিরের কথা’র। সমালোচনা প্রকাশিত হয়েছিল। এছাড়া ‘রূপম’ পত্রিকাতে ‘অরিজিন অব শিখর টেম্পলস্’ আর্থে কাপেলের ফরাসী প্রবন্ধ ‘ক্যালকাটা স্কুল অফ পোল্টেং’ এর ইংরাজী অনুবাদ প্রকাশিত হয়েছিল। “গুরুদাসবাবু ফরাসী ভাষা জানেন ভালো। এই সূত্রে তিনি ফরাসী ভাষার কয়েকখানি শিল্প পুস্তকেরও রিভিউ লিখেছিলেন রূপমে।” এছাড়াও বরিশাল শহরে কর্মরত অবস্থায় তিনি সেখানেও স্থানীয় ঐতিহ্য নিয়ে অনুসন্ধান করেছিলেন। রেঙ্গুনে ভারতীয় চিত্রকলার একটি পদশ'নীতে তিনি ওরিয়েন্টাল স্কুল অফ আর্ট এর প্রতিনিধি হয়ে গিয়েছিলেন।

দারিফাত্য ভ্রমণে গুরুদাস সরকার ও ও, সি গাঙ্গুলী ১৯০৬ এ গিয়েছিলেন। সে সময় তাঁরা অজন্তা, ইলোরা, বাদামী, আইহোল, বিজয়নগর ও মাদ্রাজ অঞ্চলে এক মাস ধরে ঘুরেছিলেন। গুরুদাসবাবু সেবারে ফিরে এসে ‘অজন্তার চিঠি’, ‘বাদামীর চিঠি’, ‘আইহোলের চিঠি’ নাম দিয়ে কয়েকটি চমৎকার প্রবন্ধ লিখেছিলেন ‘বিষাগ’ পত্রিকাতে।

মূললেখক রবীন মজুমদার চলে গেলেন

বিশেষ সংবাদদাতা : গত ১ মে রাতে বিশিষ্ট লেখক সাহিত্যিক রবীন মজুমদার তিরাশি বছর বয়সে কোলকাতার বালিগঞ্জের বাসভবনে ঘুমের মধ্যেই স্ট্রোকের মারা যান। বহরমপুরের বাসিন্দা রবীন মজুমদার তাঁর লেখনীর গুণে “সোভিয়েত দেশ” পত্রিকার সঙ্গে যুক্ত ছিলেন যুগ্ম সম্পাদক হিসাবে। তিনি প্রধানত গবেষণামূলী প্রবন্ধ লিখতেন। অবিবাহিত রবীনবাবু'র দুই ভাই এবং অগণিত গুণমুগ্ধ পাঠক, সহকর্মী, বন্ধু ও আত্মীয় স্বজনদের সঙ্গে রাশিয়া-ভারতবর্ষের সমাজ ও সংস্কৃতি বিষয়ক অমূল্য সাহিত্য সম্ভার রেখে গিয়েছেন।

বিজ্ঞপ্তি

বিবেকানন্দ বিদ্যানিকেতন

(ইংরাজী মাধ্যম বিদ্যালয়)

জঙ্গীপুর/রঘুনাথগঞ্জ শাখা

স্থাপিত—১৯৭৭ (গভঃ রেজিষ্টার্ড)

২০০৩—২০০৪ শিক্ষাবর্ষে ভর্তির জন্য ফর্ম দেওয়া শুরু হয়েছে। নাশারী ও প্রিপারেটরী ক্লাসে তিন হ'তে চার বছরের শিশুদের ভর্তি করা চলে। কে জি হতে চতুর্থ শ্রেণীতে ভর্তির জন্য এ্যাডমিশন টেস্ট দিতে হয়। বিশদ বিবরণের জন্য যোগাযোগ করুন।

যোগাযোগের ঠিকানা :

- ১। জঙ্গীপুর গাল'স হাই স্কুল, পোঃ জঙ্গীপুর। সময় সকাল ৭টা হ'তে ৯টা পর্যন্ত।
- ২। রঘুনাথগঞ্জ বয়েজ হাই স্কুল (পুরাতন ভবন) পোঃ রঘুনাথগঞ্জ। সময় সকাল ৭টা হ'তে ৯টা পর্যন্ত।

ডি. এস. নাথ

ভারপ্রাপ্ত শিক্ষক,

বিবেকানন্দ বিদ্যানিকেতন

মূর্শিদাবাদ বিষয়ক গুরুদাস সরকারের তৃতীয় বিখ্যাত প্রবন্ধটি প্রকাশিত হয়েছিল ‘সাহিত্য পরিষৎ’ পত্রিকাতে ১৩২৫ বঙ্গাব্দের ২য় সংখ্যায়। প্রবন্ধটি গুরুদাসবাবু বঙ্গীয় সাহিত্য পরিষৎ-এর চতুর্বিংশ বর্ষের সপ্তম মাসিক অধিবেশনে পড়েছিলেন। শিরোনাম ছিল, “সুতীর পুরাবৃত্ত ও সৈয়দ মতু'জার আবিভাবকাল।” জঙ্গিপুত্র মহকুমার সুতী গ্রামের একটি প্রস্তর খণ্ডের তোগরা লিপির উপর ভিত্তি করে জঙ্গিপুত্র মহকুমার অতীত দিনের বিভিন্ন বিষয় এই প্রবন্ধে আলোচিত হয়েছিল। “আসা যাওয়ার মাঝখানে” গ্রন্থের প্রথম খণ্ডে নলিনীকান্ত সরকার ৩৩, ৩৫ ও ৩৬ পরিচ্ছেদে এই প্রবন্ধটি নিয়ে বিস্তৃত আলোচনা করেছিলেন। নলিনীকান্ত এই দীর্ঘ আলোচনা শেষে মন্তব্য করেন, “গুরুদাসবাবু তাঁর ‘সুতীর পুরাবৃত্ত ও সৈয়দ মতু'জার আবিভাব’ সুদীর্ঘ প্রবন্ধটিতে বহু ঐতিহাসিক তথ্যের অবতারণা করেছেন।”

অবসর জীবনে গুরুদাসবাবু প্রত্নতত্ত্ব ও শিল্প বিষয়ে যেসব মূল্যবান প্রবন্ধ রচনা করেছিলেন তার জন্য মূর্শিদাবাদের ঐতিহ্য ও ইতিহাসে তাঁর বিশেষ অবস্থান থাকা উচিত ছিল। কিন্তু বর্তমানে তিনি এক বিস্মৃত নাম।

মহকুমার পঞ্চায়েত নির্বাচনের ফলাফল

জেলা পরিষদ : ফরাক্কা—সিপিএম ১, কংগ্রেস ১। সামসেরগঞ্জ—সিপিএম ২। সূতী ২—কংগ্রেস ২। সূতী ১—কংগ্রেস ২। রঘুনাথগঞ্জ ১—সিপিএম ১, কংগ্রেস ১। রঘুনাথগঞ্জ ২—সিপিএম ১, কংগ্রেস ১। সাগরদীঘি—কংগ্রেস ৩।

পঞ্চায়েত সমিতি : ফরাক্কা (মোট আসন ২৪) সিপিএম ১৩, কংগ্রেস ১১; সামসেরগঞ্জ (মোট আসন ২৪) সিপিএম ১৪, কংগ্রেস ১০; সূতী ২ (মোট আসন ২৭) সিপিএম ১, কংগ্রেস ২৩, আরএসপি ১, তৃণমূল ২; সূতী ১ (মোট আসন ১৮) সিপিএম ৪, কংগ্রেস ১১, আরএসপি ২, তৃণমূল ১; রঘুঃ ১ (মোট আসন ১৮) সিপিএম ৯, কংগ্রেস ৭, বিজেপি ১, আরএসপি ১; রঘুঃ ২ (মোট আসন ২৮) সিপিএম ১৭, কংগ্রেস ৯, আরএসপি ২; সাগরদীঘি (মোট আসন ৩১) সিপিএম ৮, কংগ্রেস ২৩।

[সাগরদীঘি, সূতী ১ এবং সূতী ২ পঞ্চায়েত সমিতি কংগ্রেসের দখলে]

★ পত্রিকা প্রকাশ হওয়া পর্যন্ত গ্রাম পঞ্চায়েতের ফলাফল সরকারীভাবে প্রকাশ না হওয়ায় আমরা তা দিতে পারলাম না। আগামীতে প্রকাশ পাবে।

সি, আই, এস, এক জওয়ানের বজ্রাঘাতে মৃত্যু

গত ২৯ এপ্রিল দুপুরে সূতী থানার অজগরপাড়ার উল্টোদিকে বাঁশলৈ ব্রীজের কাছে ফরাক্কা সি, আই, এস, এফ এর ক্যাম্পে বাজ পড়ে। বজ্রাঘাতে ডিউটিরত সেনাটি ধর্মেন্দ্র সিং (৩২) মারা যান। তাঁর সহযোগী মানিক রায় (৩২) আহত হয়ে জঙ্গিপূর হাসপাতালে ভর্তি আছেন।

তেরেদা ঝড়ে লাল পতাকা ধূলিসাৎ (১ম পৃষ্ঠার পর)

ভরসা। পঞ্চায়েত সমিতিতে লাল পতাকার রং একেবারেই ফিকে হয়ে গেছে সূতী ২ ব্লকে। সেখানে ২৭টি আসনের মধ্যে কংগ্রেস একাই ২৩টি আসনে বাম প্রার্থীদের পরাজিত করে সমিতির দখল নিয়েছে। এছাড়া সেখানে তৃণমূল কংগ্রেসও ২টি আসনে জয়লাভ করেছে। সিপিএম ও আরএসপিকে ১টি করে আসন পেয়েই সেখানে সন্তুষ্ট থাকতে হয়েছে। এছাড়া কংগ্রেস ফরাক্কা পঞ্চায়েত সমিতিতে সিপিএমের সঙ্গে সমানে সমানে পাল্লা দিয়ে ২৪টির মধ্যে ১১টি আসনে, সামসেরগঞ্জে ২৪টির মধ্যে ১০টি আসনে জয়লাভ করেছে। উল্লেখযোগ্য ফল করেছে কংগ্রেস সূতী-১ পঞ্চায়েত সমিতিতেও। সেখানে ১৮টি আসনের মধ্যে ১১টিতে কংগ্রেস ও ১টি তৃণমূল কংগ্রেস প্রার্থী জয়লাভ করে সমিতির দখল নিয়েছে। সেখানে সিপিএম ৪ ও আরএসপির মাত্র ২টি আসন। সাগরদীঘিতে কংগ্রেস সিপিএমের বিজয় রথ খামিয়ে দিয়ে ৩১টি আসনের মধ্যে ২৩টিতে জয়লাভ করে পঞ্চায়েত সমিতির দখল নিয়েছে। রঘুনাথগঞ্জ-২ ব্লকে ২৮টি আসনের মধ্যে ৪টি আসনে কোন প্রতিদ্বন্দ্বিতাই হয়নি। সেখানে সিপিএম আগেই ৪টি আসনে জিতে মোট ১৭টি আসনে, আরএসপি ২ ও কংগ্রেস ৯টি আসনে জয়লাভ করেছে।

দাদাঠাকুর প্রেস এন্ড পাবলিকেশন, চাউলপাটী, পোঃ রঘুনাথগঞ্জ (মুর্শিদাবাদ) পিন-৭৪২২২৫ হইতে সদ্ব্যধিকারী অনন্তম পণ্ডিত কর্তৃক সম্পাদিত, মুদ্রিত ও প্রকাশিত।

এক বুথের বাক্স অন্য বুথের ব্যালট

নিজস্ব সংবাদাতা : গত ১৩ মে ভোট গণনার দিন সাগরদীঘি ব্লকের বালিয়া গ্রাম পঞ্চায়েতের নপাড়া ১০১ নং বুথের ব্যালট বাক্সের মধ্যে ঐ ব্লকের পাটকেলডাঙ্গা অঞ্চলের কিছু ভোট দেয়া ব্যালট পাওয়া যায়। তেরমনি বালিয়া গ্রাম পঞ্চায়েতের ১০২ নং চামুন্ডা বুথের ব্যালট বাক্স থেকেও গণনার সময় গোবর্ধনডাঙ্গা অঞ্চলের প্রায় ২১টি কংগ্রেসে ছাপ দেয়া ব্যালট উদ্ধার হয়। ঐ দুই বুথের সিপিআই প্রার্থী হেলেনা হাঁসদা ও জয়কুমার মন্ডল সাগরদীঘির বিডিওর কাছে এ ব্যাপারে লিখিত অভিযোগ করলেও কোন ব্যবস্থা নেয়া হয়নি বলে তাঁরা অভিযোগ জানান।

ভোট একরকম নির্বিঘ্নে শেষ হলো (১ম পৃষ্ঠার পর)

ভোটারদের মধ্যে শ্লিপ ইস্যু না করায় প্রিজাইডিং অফিসাররা ক্ষোভের মুখে পড়েন। গণ্ডগোলে ঐ সব বুথে ভোট নেয়া বন্ধ হয়ে যায়। শেষে মাঝ রাতের পর পূর্লিশের নজরবন্দীর মধ্যে ভোর রাত পর্যন্ত ভোট চলে। ঐ ব্লকের লোকাইপূর বুথের কংগ্রেস প্রার্থীর বাড়ীতে সিপিএমের লোকেরা বোমা ফেলে। প্রার্থীর শাশুড়ী আহত হন। গণ্ডগোলে ভোট দেয়া বন্ধ হয়ে যায়। শেষে পরদিন সকাল পর্যন্ত ওখানে ভোট নেয়া চালু থাকে বলে জানান সূতী কেন্দ্রের প্রাক্তন কংগ্রেস বিধায়ক মহঃ সোহরাম। সামসেরগঞ্জ ব্লকের গঙ্গার ওপারে পারলালপুর, পারদেওনাপুর চরে সিপিএম বিহারের কায়েদার মাকিয়্যারাজ কায়েম করে। বোমার আহত বেশ কয়েকজনকে অনুপনগর স্বাস্থ্যকেন্দ্রে আনা হয়, সেখানে থেকে জঙ্গিপূরে। ফরাক্কা ব্লকের আলাইপূর প্রাঃ স্কুলের ৭৪ নম্বর বুথে সিপিএমের সঙ্গে তৃণমূল কংগ্রেসের সরাসরি লড়াই হয়। সেখানে টানটান উত্তেজনার মধ্যে সিপিএমের একজন নকল ভোট দিতে গিয়ে ধরা পড়ে যায়। তৃণমূল এজেন্ট এটা ধরতে তার বাড়ীতে বিরোধী পক্ষ হামলা চালায়। শেষে পূর্লিশ গিয়ে ঘটনা আরও আনলেও কাউকে গ্রেপ্তার করেনি—এই অভিযোগ তৃণমূল নেতা সোমেন পান্ডের। সাগরদীঘির হলদিগ্রামে প্রিজাইডিং অফিসারের ভুলে বেশ কিছু ব্যালট পেপার উল্টোভাবে ভাঁজ করে ভোট গ্রহণ শুরু হয়। উল্টো ভাঁজের জন্য ব্যালট পেপার প্রকাশ্যে ভোট বাক্স ফেলার সময় সবকিছু দেখা যায়। গোপনীয়তা বলতে কিছু থাকে না। এই নিয়ে হৈচৈ শুরু হলে বেশ কিছুক্ষণ সেখানে ভোট নেয়া বন্ধ থাকে। পড়ে সঠিক ভাঁজে ব্যালট পেপার চালু করে ভোট শুরু হয়।

চারজন গ্রেপ্তার (১ম পৃষ্ঠার পর)

১২ মে পূর্লিশ বেষ্টনীর মধ্যে পূর্নরায় ভোট নেয়া হয়। পূর্লিশ এই ঘটনায় চারজনকে গ্রেপ্তার করে। এছাড়া মহকুমার গ্রেপ্তারের কোন খবর নাই।

তাই আমাদের পরাজয় (১ম পৃষ্ঠার পর)

সিপিএম বিরোধী ভোট সব এক বাক্সে কংগ্রেসের দিকে পড়েছে। তৃণমূল কংগ্রেস, বিজেপি, কোথাও কোথাও বাম শরিকদের ভোটও কংগ্রেসের অনুকুলে গেছে। আর মুর্শিদাবাদ সিপিএম পঞ্চাশ শতাংশও ভোট পায় না। তাই যখনই বাম বিরোধী ভোট এক বাক্সে পড়বে তখনই সিপিএমের পরাজয় ঘটবেই বলে মনে করেন মৃগাঙ্কবাবু। গত ১৩ মে গণনার দিন সিপিএমের রঘুনাথগঞ্জ পাটি অফিসে বসে হতাশ মৃগাঙ্ক বলেন, জেলা পরিষদেও আমরা বিপন্ন। এর বিশ্লেষণ করলে আরও কিছু তথ্য পরে পাওয়া যাবে। তবে জঙ্গিপূরে বামফ্রন্টের শরিক দলের অন্তর্ভুক্তও যে সিপিএমের ক্ষতি হয়েছে তা মানছে সিপিএম।